



КОМСОМОЛОНЬ ВАЙГЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ИЮНТЬ
7-це шистонза
1941 низоня
63(1859)
Питнец 10 тр.

ПРОФСОЮЗНО-КОМСОМОЛЬСКИЙ КРОСС

Минь странань трудящайх-не оцю мялса занимадон-дайхть физический культура и спорта. Сяс физкультурас и спортс минь странасонк арась инь массовойке, необходимайке. Физкультура с и спортс—вию средства трудонь производительность кеподема-са, шумбрашить кемокстамаса. Аф стак спортс и физкультура с ащи эрь трудящайти, а нинге сядонга пняк, од ломаттненьди эряфонь правилас и кельгома тевкс.

Од ломанень передовой отрядс—Ленинско - Сталинский комсомолс этафтс кросс, конат макссть трудящайхнень воспитаниясон коряс оцю опыт, сувафтоз лама миллиотт трудящайн бытс спортт. Но тя нинге аф сембе. Эряви нинге лама тиес трудящайхнень физический анокламасон коряс.

Тячи минь печатласась ВЦСПС-ть и ВЛКСМ-нь Центральной Комитетт массовой профсоюзно - комсомольский кросс колга постановлениясон и профсоюзно-комсомольский кросс колга положенийт. Тя постановленийт коряс 1941-це кизоня июнь ковть 15-це шистонза сявомок 30-це шинцы молема кармай этафто-вома массовой профсоюзно-комсомольский кросс. Комсомольский и профсоюзный организациатненьди эряви кярмодем таниень пингстакивок тя спортивной мероприятия образцовайста аноклама. Ся комсомольский организациатне, конат эсь пингстонза цебарьста кярмодихть тренировочнай занятиятненьди, сатсазь соревнованиятнень эса васенце васттнень.

ВЦСПС-сь и ВЛКСМ-нь ЦК-сь эсь постановлениясон ладязь, «што кроссонь участникомс могут улеме аныцек сят, кит ётасть необходимой тренировка».

Аф эряви прсемс шумихати и штурмовщинати, конат вреднайхть тя ответственнай мероприятия этафтомасонза. Эряви по-деловому, кропотливайста работазь анокламс, сувафтоме кода можна сяда лама трудящай, од ломань кросса участияти. Тя тевса эсь авангарднай рольсон эряви занямс комсомолецненьди.

Анокламань работат мольтеманц пингста лездомс од физкультурникненьди ласькомань техникат тонадомаса. Тянь должетт тиес комсомольский и профсоюзный организациатне.

ВЛКСМ-нь Мордовский обкомс эсь решениясонза профсоюзно-комсомольский кросс колга обязал комсомольский организациатнень сатомс сян, штоба эрь комсомолец улель кроссонь участникомс. Гимнастический соревнованиятнень эса Мордовский комсомольский организациас автономнай республикань, областной и краевой комсомольский организациатнень ётка занязе колмоце вастт. Тевс ащи сян эса, штоба кемокстамс ня сатфкснень и касфтоме синь.

Кросснень этафнемасна—ащи школас, коса аноклакшне-вихть социализмань странат мирнай трудонц аралама, кеме, выносливай, ловкай ломатт. Кросс сувафни эрь участикити замечательнай качестват, конат необходимайхть советский воинти.

МАССОВАЯ ПРОФСОЮЗНО-КОМСОМОЛЬСКИЙ КРОССЪ ЙОТАФТОМАНЦ КОЛГА ВЛКСМ-НЬ МОРДОВСКИЙ ОБКОМЪ БЮРОНЦ

ПОСТАНОВЛЕНИЯЦ

1941-це КИЗОНЪ ИЮНТЬ 5-це ШИНЦ ЭЗДА

1. ВЛКСМ-нь ЦК-ть и ВЦСПС-ть решениясон коряс этафтоме июнь 15-це шистонза сявомок 30-цети молема массовой профсоюзно-комсомольский кросс (пересеченнай вастова ласькомат коряс).

2. Обязать ВЛКСМ-нь РК-нень, ГК-нень и первичнай комсомольский организациатнень марса профсоюзнай и физкультурнай организациатнень мархта шарфтоме особай мяль участикнень анокламасон и тренировкасон шири, обеспечить сембе комсомолецнень, профсоюзонь четтнень и аф союзнай од ломаттнень кросса участиясон.

3. Кроссти анокламань коряс работат мархта и кросс этафтоманцты руководстванди пуроптоме республикаса ВЛКСМ-нь обкомт видеа республиканский комиссия тифтама составс: председательс—ВЛКСМ-нь обкомт секретарец Сазанов ялгас, председатели заместители Бухгольц ялгас—МАССР-нь СНК-ть видеа физкультурань и спортонь комитетс. Четтне: Потемкин ялгас—ВЛКСМ-нь Саранский горкомт секретарец, Батаев ялгас—«Ленинсь киява» газетат редакцияста, Артамонов ялгас—«Учитель» ДСО-ть председател, Купер ялгас «Спартак ДСО-ть председател, Милушкина ялгат—Госучреждениянь Союзонь обкомт председател.

Мярьгоме ВЛКСМ-нь РК-тненьди, ГК-неньди кроссти

анокламань коряс и этафтоманц коряс руководстванди пуроптоме ВЛКСМ-нь РК-тненьди, ГК-тнень видеа комсомольский, профсоюзнай и физкультурнай организациань представителхнень эзда комиссият.

4. Обязать ВЛКСМ-нь РК-тнень и ГК-тнень июнь 10-це шинц самс анокламс эрь организациати дистанцият ВЦСПС-ть и ВЛКСМ-нь ЦК-ть мархта кемокстаф «Профсоюзно-комсомольский кросс колга» положенийт коряс. («Комсомольский правда» газетат июнь 4-це шинь №-нза), и июнь 13-це шинцы самс марса профсоюзнай организациатнень мархта тиес четкай график, мзярда эрь первичнай комсомольский и профсоюзнай организациас кармай выступать, азондомс вастт, кросс этафтомань пингонц, а тифтажа обеспечить эрь организациатт судейский аппарата.

5. Ладамс, што ВЛКСМ-нь РК-тне и ГК-тне июнь 16-це, 23-це и июль 1-це шистонза информируют ВЛКСМ-нь обкомт кроссонь участиконь лувксъ, комсомолецонь лувксъ, БГТО-нь, I и II-це ступень ГТО-нь значокс нормань максень лувксъ колга, а 1941-це кизонь июль 5-це шинцы самс районнай и ошень комиссиятне обязат максомс ВЛКСМ-нь обкомти кросс колга итоговой материал.

ВЛКСМ-нь Мордовский обкомт секретарец Я. САЗАНОВ.

Оцю наплывсь ФЗО школатненьди

УШЕДСЬ ФЗО ШКОЛАТНЕНДИ ПРИЗЫВСЬ

5-це июньта ушедс фаб-рично-заводской обученийт школатненьди од ломаттнень призывса.

Призывной комиссиятне получакшихть тежатт заявления добровольцнень эзда. Кировоградский областень Долинский райононь Александровка велеста Александр Пугач сёрмады:

«Мон тейнт пняк эяльдя аф атказамс тейне и максомс возможность рабочей-стахановцнень рядс молема, арамс действительнай борецкс минь кельгома родиваньконь иниса. Монь родительнень стане жа мялсна, штоба мон молемен тонафнема ФЗО школас».

300-да лама цёра макссть заявленият Каунасский комиссият школас примамасон колга, тифтама жа 200 заявления макс Вильнюсский комиссият. Литовский ССР-нь школатненьди сембоц ули при-маф 6 тежатт 900 ломань ошень и велень од ломаттнень эзда.

Сядот цёра макссть заявленият ФЗО школатненьди примамасон колга Горьковский областеса. Сембоц тяс ули приз-ванная 4.500 ломань.

Школатне комплектовандаш-невихть квалифицированной мастера и лия работнике. Учащайхненьди аноклафт общежитият и столовайхть.

(ТАСС).

МАССОВАЯ ПРОФСОЮЗНО-КОМСОМОЛЬСКИЙ КРОССЪ КОЛГА ВЦСПС-ТЬ И ВЛКСМ-НЬ ЦК-ТЬ ПОСТАНОВЛЕНИЯСНА

1. Йотафтоме июнь 15-це шистонза сявомок 30-це шинцы молема профсоюзно-комсомольский кросс (пересеченнай вастова ласькомат коряс). Кросс должен улеме массовой спортивной мероприятияке, кона нафтьс профсоюзнай, комсомольский, физкультурнай организациатнень работань результатсон трудящайхнень физический анокламасон коряс и физкультурань и коллективнень работасон сяда тов кемокстамаса лезксонь максомасон коряс.

2. Обязать профсоюзнай, комсомольский организациатнень и добровольнай спортивной общественнень шарфтоме особай мяль кроссонь участикнень тщательна анокламасон и тренировкасон шири, аф полнемок соревнованиятнень полафтомасон тевонь показной сторонат мархта, кона расчитанай аныцек внешний эффектти.

Ладамс, што кроссонь участникомс могут улеме аныцек сят, кит ётасть необходимой тренировка.

3. Кроссти анокламань и сонь этафтоманц путомс: предприятияс, учрежденияс и учебнай заведенияс—физкультурань коллективнень советсон, фабзавместкомтнень и комсомольский организациатнень лангс; колхознень эса—комсомольский организациатнень лангс; райоттнень, ошнень, областнень, крайнень и республикатнень эса—комсомолонь комитеттнень видеа комиссиятнень лангс, конат пуропневихть профсоюзнай, комсомольский организациатнень, добровольнай спортивной общественнень и физкультурань и спортонь комитетонь представителхнень эзда.

4. Ладамс, што учебнай заведениянь учащайхне участвовандайхть кросса экзаментнень аделамдот меле.

5. Кросс колга положенийт кемокстамс.



Дружнайста моли од заемт лангс сёрмафтомась Саранскийн машинакин станциян рабочайхнень и служащайхнень ётка.
СНИМКАСА: Станциян весовщикс М. П. Данилин (кержи ширеста омбоцесь) сёрмафти заемс.
Фотох Касперть.

Колмоце Пятилеткань (нилеце кизонь выпуск) Государственной Займати подпискась

Од займать пяк оцю успехоц

Организованнейша и дружна моли подпискась марнек стран- ные ээга. Рабочайхнень и служащайхнень сеибода ланос- на сёрматфтыть колма недя- лань и ковань пингонь зара- боткас.

Бакунь рабочайхнень и слу- жащайхнень пцтай 92 процент- на максозь ни государственн. 5-це июньта шобдава 11 част- тиенди подписать суммачпач- кодь 95 миллион 73 тежянь цалковайс, мезь 16 миллион цалковайда сяда лама ётай ки- зонь та пингонди подписать коряс.

5-це июньта шобдавати Калининский областсьа займа- ульсь явонфт 94 миллион цал- ковайн питне—24 миллионда сяда лама, чем ётай кизонь тика жа пингити.

Иарийский АССР-нь труда- щайхне государствати пандом- да максеть 17 миллион 948 те- жянь цалковай—687000 цалко-

вайда сяда лама ётай кизонь подписать марнек суммачпач- кодь.

Ошнень эзда аф лядондыть колхознай велетневок. Лама колхозник эстакиге максесазь эсь подпискась коряс суммать. Запорожский областсьа 4-це июньта илядыти подпискась ульсь фатяф 177 тежянь кол- хозник. Подписной суммать счетс синь максеть 2.307 те- жянь цалковай наличнай яр- максс.

Всесоюзной сельскохозяй- ственной выставкань участ- никсь—Ростовский областень Сальский районь подписать пачфтезе 2 миллиотт 216 те- жянь цалковайс. Тика жа об- ластень Мечетинский районь Молотовь лемса и Реввоенсо- ветть лемса артельхнень эса сембе колхознай семьятне мак- созь государствати пандомда синцень ковань пингонь до- ходсон.

(ТАСС).

КЕМОКСТАСАСЬК РОДИНАНЬКОНЬ МОЩЕНЦ

Рыбинский районь тру- дящайхне оцю радостьс вась- фтезь СССР-нь СНК-ть поста- новлениянц Государственной Займать нолдамани колга. Июньт 2-це шистонза ти поста- новлениянц радио вельде кул- хондомондза меле интелли- генциянь, рабочайхнень и кол- хозникхнень ётка ульсь ётаффт оцю митинкт, коса выступающайхне корхтасть ро- динать обороннай мощенц нин- ге сяда кемокстамаса займать вельде.

Митингта меле трудящайхне ушедсть дружнайста од займа- ти сёрматфтома. Челюскине- нень лемса колхозонь 61 кол- хозник государствати пандом- да максеть 5.025 цалковай, ко- натнень эзда эстакиге 4.800 цалковайть пандозь наличнай ярмакса.

Вишкетта займати сёрматф- томась моли Черемыс велень колхозникхнень ётка, коса 88 колхозник сёрматфть 3.450 цалковайс. Школьной работни- кхнень ётка подпискась пачкодсь 3.140 цалковайс, велень ак- тивть ётка—970 цалковайс.

Оцю подъема сёрматфтомась моли Сире Аллагуловский сель-

советса; начальнай школань ниле работник государствати пандомда максеть 1.085 цал- ковай, сельпонь работнике— 1.505 цалковай, 21 колхозник —1.110 цалковай; Молотовь лемса колхозникхне митингта меле эстакиге сёрматфть 1.555 цалковайс. Аф калды- ста моли сёрматфтомась Чапа- евть и Ворошиловть лемса кол- хоснень эса. Сельпонь работ- никхне сёрматфть 3.260 цал- ковайс, сельсоветонь работни- ке—1.045 цалковайс. Мамолае- ский средний школань работ- никхне—3.960 цалковайс.

Государственной од займать кенярдезь васьфтезь предприя- тиятне. Рыбинский промартел- нь работнике государствати пандомда максеть 4.950 цалко- вай.

Чкаловть лемса колхозонь комсомолецне дружнайста сёр- матфть займати. Гагина Татъ- янась—300 цалковайс, конат- нень эзда 100 цалковайть пан- дозе ни. Макасов и Кузин комсомолецне сёрматфть фкя ковань окладс. Займати сёрмат- фтомаса примерке ашихть Кур- данин, Варин и Морозова ялгате- не.

Иван Почтов.

Оцю подъемса

Анаева велеса Государствен- ной Займать нолдамани четьс июньт 2-це шистонза ульсь митинг, коса колхозникхне и слу- жащайхне одобрили СССР-нь СНК-ть займать нолдамани кол- га мудрай постановленинц. Выступающайхне корхтасть, што тя од мероприятиясь нин- ге сяда кемокстасыне минь странаньконь граничанзон и сяда пяк касфты социалисти- ческий хозяйстваньконь и куль- тураньконь.

К. Е. Чикарев колхозниксь азозе эсь выступлениясонза, што сон сёрматфты 200 цал- ковайс. Сон ня ярмакхнень эстакиге пандозень. Колхозонь председателсь Н. П. Крючков

ялгась сёрматфть 350 цалко- вайн питнес и сёрматфтома питнеть палешканц пандозе ни. 400 цалковайс сёрматфть Доин ялгась, конатнень эзда палешкасьон пандозень ни.

Сембе колхозникхне сёрмат- фтихть аф 100 цалковайда кржас и ламоц эстакиге мак- сесазь сёрматфтомань питнеть налична. Анаева велеса ниле колхоз, синь эздост «Крым» колхозсь июньт 3-це шинцты шобдавати подписанц аделазе. Марнек велеть эса государствати пандомда максф 10.000 цалковай.

Яшкарин.

З.Полянский район.

26.115 ЦАЛКОВАЙС— ФКЯ ШИСТА

Июньт колмоце шистонза, работада инголе, «Дубитель» заводонь цехнень стенас пет- фнефтольхть ни лозункт, пла- катт, конат азондозь государ- ственной займатнень значени- ясон минь родинаньконь хо- зяйственно-культурнай и обо- роннай мощенц сяда товолдонь кемокстамаса.

Заводонь рабочайхнень ке- подьфт мялсна. Механичес- кий мастерскойн рабочайхне учихть, мзярда тейстсай упол- номоченной займать лангс сёр- мадома.

Колмогемонь минута работа- да инголе конторав пурометь рабочайхне и служащайхне, конатнень ётка ётафтовсь ми- тинг. Оцю мялса, гордостень и радостень чувства мархта, служащайхне максозь займас государствати ковань оклад- сон. Сембоц тя шиня займас сёрматфть рабочайхне 26.115 цалковайн питнес.

С Сумовская.

30 минутаста

Июньт 2-це шистонза кота частса илять Од Пшенъ велень активсь и колхозникхне кул- хондозь радио вельде СССР-нь СНК-ть Колмоце Пятилеткань (нилеце кизонь выпуск) Госу- дарственной Займать нолдамани колга постановленинц.

Колхозникхне и активсь ти постановленинц васьфтезь се- дивакса кенярдезь и эстакиге кармасть од займати сёрматфто- ма. Велень активсь сёрматфть фкя ковань окладс. Велень исполкомть секретарец Кучин сёрматфть 210 цалковайс, исполкомть председателец Тум- перов ялгась—250 цалковайс. Оцю суммас сёрматфтихть кол- хозникхневок. И. Кучин.

Ковылкинский район.

Сёрматфтомась моли дружнайста

Вишкетта моли государствен- ной од займати сёрматфтомась Мокишень Ювня велеса. Июньт 3-це шистонза 12-це части сёрматфтомань марнек суммась пачкодсь 4.000 цалковайс. Ве- лень интеллигенциясь государ- ствати пандомда максозь фкя ковань заработканц. Финансо- вай агентсь Н. Е. Аргазов сёр- матфть 250 цалковайс, школать директорц Демкин ялгась— 350 цалковайс.

Интеллигенциянь эзда аф лядондыть колхозникхневок, синь государствати пандомда максихть сядода ламонь цал- ковай.

Шичкин.

Торбеевский район.

КОВОНЬ ОКЛАДС

Исарский районь колхоз- никхнень, рабочайхнень, служа- щайхнень Колмоце Пятилет- кань (нилеце кизонь выпуск) Государственной Займать лангс сёрматфтомань суммасна кафта шиста пачкодсь 343.140 цал- ковайс. Колхозникхне сёр- матфть 131.585 цалковайс.

ПРОФСОЮЗНО-КОМСОМОЛЬСКИЙ КРОССТЬ КОЛГА ПОЛОЖЕНИЯСЬ

1. Профсоюзно-комсомоль- ский кроссть инголеащи зада- ча—сувафтомс трудящайхнень физический культурань заня- тиятнеди, ласькомать коряс ГТО-нь комплекс норматнень максомасонды.

2. Кросса участия примамс могут рабочайхне, служащайх- не, колхознай од ломаттне, учебнай заведениянь, школань, ремесленнай и железнодорож- ной училищань учащайхне, нолдавихть.

3. Кроссь ётафтови тяфтама программас коре:

а) Цёранятне и стирнятне

конат ётасть необходимай тре- нировка и нолдафт врать мар- хта эсь шумбрашинь состоя- ниясон вельде соревнованиясьа участвовандамати.

Примечания: 1. Учебнай заведениянь учащайхне при- майхть участия кросса экза- меттнень максомдот меле. 2. Ломаттне, конатнень аш сатомпка тренировксна, кросса участвовандама аф нолдавихть.

Дистанциятне	Цёранятне		Стирнятне	
	Максф	Отлична	Максф	Отлична
500 метрас	—	—	2 м. 05 с.	1 м. 55 с.
1000 " "	3 м. 45 с.	3 м. 30 с.	—	—

б) Алятне и аватне:

Дистанци- не	Алятне			Аватне		
	16—30 кизоти	31—40 кизоти	41 и сяда лама кизос- тотнени	16—25 кизоти	26—32 кизоти	32 и сяда лама кизо- стотнени
500 мет.	—	—	—	1 м. 55 с.	2 мин.	2 м. 10 с.
1000 " "	3 м. 25 с.	3 м. 35 с.	3 м. 45 с.	4 м. 20 с.	4 м. 30 с.	4 м. 50 с.
3000 " "	12 м. 15 с.	12 м. 30 с.	12 м. 45 с.	—	—	—

4. Ласькомаса соревновани- ятне ётафтовихть СССР-нь СНК-ть видеса физкультурань и спортонь Всесоюзной коми- тетть правиланзон и ГТО-нь комплексь условиязон коряс.

5. Кроссь результатонзон лувомасна ётафневи кросса участниконь лувксть абсолют- ной цифранц и соответствующ- щай норматнень максомаса лувксть коряс.

Примечания: Кроссонь уча- стникос лувондовихть ань- цек сят ломаттне, конат ётазь дистанциянь.

6. Спортивный обществать и профорганизациять определе- ниянц инкса, конат няфтсь соревнованиясь цебарь резуль- татт, сембе спортивный обще- стватне и профорганизациятне, конатнень аш спортивный об- ществасна, явошневихть кота

группава мощностьсон и структурасон коряс. Ня ко- тыльке группатнень эзда каж- найти первенствась определян- дакшневи самостоятельна.

7. Областной, краевой и республиканский комиссиятне, Союзонь ЦК-тне и спортивный добровольнай ЦС-тне июньт 18—25-це шистонза и июльт 3-це шистонза информируют ВЦСПС-ть, ВЛКСМ-нь ЦК-ть кроссонь участникхнень, ГТО-нь норматнени максень лувксть и кросса комсомолецнень уча- ствовандамасон колга, а июльт аф 10-це шидонза поз- да областной, краевой и рес- публиканский комиссиятне, профсоюзонь ЦК-тне и спор- тивнай обществань ЦС-тне мак- сыхть кроссь колга итоговой материал.



СНИМКАСА: Саранскийн "Спартак" физкультурнай общест- вать членонза Воронковсь и А. Захаровсь стартса ласькомать ко- ряс ГТО-нь II-це ступенень норматнень максомаса.

Фотось Ивешинть.

Карматама вятнема машинат

ЭСЬ ЦЕЛСОН САТСАЗЬ

Лувомок «Пионерский правда», што организовандави юнай трактористонь и автомобилонь заочный клуб, старшай пионервожатайс Данакин Володясь пуроптозень пионерхень и обсудили «Пионерский правда» объявления.

Сисемце классонь пионерхне решили арамс заочный клубонь членкс. 18 пионер получае ответ газетать вельде, што синь примафт юнай трактористонь и автомобилонь заочный клубу.

Кружковецне пашкодсть 18 задания. 2—3 задания пашкодемда меле старшай пионервожатайс Данакин, кружкоконь старостас Курбатов сёрматкшнесть отчетт и кучсезь моделинь чертешнень «Пионерский правда» редакцияс. Сембе 18 заданиятнень пашкодезь цебарьста.

Пионерхенди практический лезкс максси Ширингушский МТС-сь. Механикс Пестряков ялгась этафни практический занятия. Автомобиль или тракторть палксонзон тонафнемс часть савондевихть МТС-ста. Кружокти шефокс итне кочкамазь монь. Мон теест тиенди консултация, этафни теоретический занятия. Кружковецне аф аныцек тонадозь тракторть и автомобиль, но и макссозь норматнень ГСО-нь и ПВХО-нь значокс. Синь Осавиахиомь активнай члеть. Упорнайста работае сатсазь эсь цельсон—кармайтхь вятнема тракторхт, автомобильхт, а кда эрявексты—танкат.

И. Ермошкин.

Карман вятнема машинат

Мзярда пуроптфоль школасонк юнай трактористонь и автомобилонь кружокс, монь тусь мялезон и сёрматфтонь монга. Монь мельган сёрматфть и лия стиряние: Назаркинась, Снадинась, Миморовась, Сереновась и Митрейкинась.

Руководителеньке явомазь кафта группав: трактористонь и автомобилонь. Мзярда группань старостас канды «Пионерский правда», то сембе члетьне радостнайста лувондсазь заданиятнень.

Урокта меле сембе охотнайста ляткшнихть занятияс. Материалть тонаткшнесазь цебарьста. Монць тонафни 7-це класса аныцек цебарьста и отличнайста, стане жа аделаса тракторть и автомобиль тонафнеманц, и карман, смелайста вятнема машинат.

Валя Буравкова.

Эрь кудсь получай газета

Колхозникнень зажиточнайкс арамасон мархта рянок каеыхть синь культурнай заросновок. Од Шпенъ велеса тини эрь колхозникс получай фья-кафта экземплярхт газета. Колхозникнень ёткас сембодя распространяйхть «Мокшень правда» и «Комсомолонь вайгаль» газетатне.

Ф. Аверкин.

Ковылкинский район.

Ширингушский райононь Ачадова велень средный школань ученикне тисть пняк цебарь ушеткс—организовандасть тракторть и автомобиль коряс кружокс. Кружкоконь участникне пущь эсь инголест задача—цебарьста тонадомс тя кизонь 1-це августь самс нят кафта машинатнень.

Синь ащихть заочный клубонь членкс, конань организовандазь Шверникть лемса детский технический станцияс и «Пионерский правда» газетать редакцияс тракторть и автомобиль тонафнеманц коряс.

Тя страницать эса минь азондсась, кда синь тонафнихть.



СНИМКАСА: Кружкоконь члетьне занятияс.

ПОЛЕЗНАЙ ТЕВ

Кружкоконь члетьне пуромсть клубонь помещениас, коса этафневихть занятиясна автомобиль и тракторть тонафнемаса.

Тячи сась юнай автомобилонь и трактористонь заочный клубъ эзда сёрма. Госта сёрмадсть: «Итть, минь получае члетьне отчеттнень заочный клубъ 14-це № заданиянц пашкодемманц коряс. Заданияс пашкотфь цебарьста. Азость тейнекс, кда организовандафт тинь кружкоконь занятиятне, кие тейнт лезды, кда тонафнетяда школаса. Паравал мархта юнай автомобилонь и трактористонь заочный клубъ.»

Тяфтама ответа синь часть 18 и сембонь эса сёрматф: «Заданияс пашкотфь цебарьста».

Стенати повфнефт плакатат, чертешт, конатнень тиезь синць

кружкоконь члетьне. Чертешнень ёткас повфтаф регистрационнай 243/48 № кружокс. Тинь алу сёрматф якстерь краскас: «Сегодн на тракторе, на грузовике, завтра на танке, на броневике».

Кружкоконь сембе члетьне цебарьста содасазь эсь тевсон. Кда стенаса ащи чертежнай разреза коленчатый вал, то сон стане жа ащи мастерскойсост аф чертежа, а тиф шуфтета. Тяфтама модельда тиф лама, сембе 28 заданиятнень коряс. Коленчатый вал, цилиндр, скоростень коробка и лия часть.

Сембе тонафнихне арьсихть кружкокса получаф содамашисонь этафтомс эряфс. Конань арьси улемс шоферкс, конань трактористокс. И Якстерь Армийаса—улемс танкистокс.

С. Самошкин.

Кружкоконьконь работац

10-це декабрьста 1940 кизоня «Пионерская правда» газетась печатлась объявления, коса сёрматфоль, што Шверникть лемса юнай техниконь Центральной Станцияс и «Пионерская правда» газетась организовандасть юнай автомобилонь и трактористонь заочный клуб. Объявления эса азфоль, што заочный клубти могут поступиндамс пионерхне и школьникне группаса (группать эса должен улемс аф веле ломаньда кря), звенаса или отрядса. Тя клубс пущь цель—максомс иттенди эрявикс содамаша автомобиль, тракторть—синь устройствасон колга. Фатямс сяда лама идь школатнень эса, пионеротрятитнень эса технический работаса, максомс, тейст эрявикс трудовой навыкт.

12-це декабрьста 1940 кизоня 5-це отрядонь пионерхне проработали тя объявлениятнень общей сбора и сёрматфть тя клубти. Итне эсь заявлениясост сёрмадсть: «Тракторть и автомобиль тонадсась аны-

цек цебарьста и отличнайста, аратама социалистический паксаян стахановецокс, а кда эрявексты, озатама тракторть лангста танкти и карматама аралама эсь кельговикс родинань конь». Клубти сёрматфть 18 пионер и сембе ульсть примафт. Итне пняк кенардсть, мзярда получае ответ клубъ эзда. Тяда меле шабатне кармасть аноклама занятиятненьди. Кружокть лангса шефствать савозе завучсь, запасонь командирь-танкистс Ермошкин И. С. и Ширингушский МТС-сь.

Васенне занятияс ульсь 1-це январьста. Итне оцю мялеса кулхондсть, макссесть кизефкт, меле кармасть пашкоткшнемс заочный клубъ заданиянзон. Кружкоконь члетьне ульсть лавфт группав, эрь группас вяти альбом, коза сёрматкшневихть клубъ заданиянзон, и заданиятнень пашкодемаса.

Пионерский клубса итне оборудовандасть ужения, коза повфневихть занятиятнень пашкодемасон колга отчеттне и за-

ПОЧЕТНАЯ РАБОТА

3-це мартета ульсь пионерский сбор и кочкамазь монь кружкоконь старостас. Тя сборда меле ушедонь работаса. Кружкоконь сембе члетьнень явине колма группав, штоба сяда тежда ульсь мархтост работамс.

МТС-нь директорсь мярьгсь тейнекс этафтомс практический занятиятнень автогаража и мастерскойса. Штоба сяда курок пашкоткшнемс тейнекс кучф заданиятнень, минь кемокстае колма ломатть; фкять рисовандама, а кафтнень—модельне тиема.

Кодак получае сась заочный клубъ эзда заданиятнень, эсакие макссесазь группатненьди. Занятиятнень эса шеф-советчикс Ермошкин ялгась шарьхковедиста азондсы заданиятнень содержаниянц, детальхнень устройствасон.

Монць тонафни 7-це класса, тонафни цебарьста. Кружокть эса тонафни оцю мялеса. Синь инкса, штоба сяда цебарьста тонадомс автотракторнай тевть, монь ули специальнай тетрадезе, коза сёрмакшнесайне стака вастнень и сяда сложнай частьтнень. Тракторть и автомобиль тонафнемаса тейне пняк лезды алязе—сон работой МТС-са старшай механикокс.

Автотракторнай тевть тонадоманцы мялезе ульсь нинге ёмластакиге. Эсь содамашизень тини этафтс эряфс практикаса. Кодак аделаса сисемце классть, карман работаса МТС-са стажеркс.

В. Курбатов.

Макстама лезкс

Тракторонь и автомобилень юнай водителхне вешть МТС-ть ширде лезкс. Дирекциясь назначендамань тейст лездома. Занятиянъ васень шитнень эздакиге итне оцю интерес мархта кармасть тонафнема машинатнень устройтвасон и работасон. Мон старандань, кда можна, сяда цебарьняста и шарьхковедиста азондомс ётави материалть.

Васенда знакомндафтьне иттеннь ся материалть мархта, конань арьсеф занятия эса. Лекцияда меле няфнине и азондыне частьтнень, конатнень савондсезь МТС-ста.

Иттеннь пняк оцю мялеса тонадомс машинатнень. Сембе кизефксенди, конатнень макссесайне, макссихть полнай и ясней ответт.

Цебарь тев ушедсть пионерхне и тя эряви пачфтемс педасес.

Пестряков,

Ширингушский МТС-ть механикок.

ОД ЛОМАНЕНЬ ВОЖАКТ

Цебарьста ладязе эсь работанц «Сире большевик» колхозонь первичнай комсомольский организациясь. Комсомолецне оцю мяль шарфнихть колхознай производствать шири, примосихть активнай участия черновой работатнень эса.

Комсомолецне ащихть инициаторкс паксаян работатнень эса социалистический соревнованиятнень вишкотеманцы. Синь личной примерсон мархта мобилизовандакшнесазь колхознай од ломаттнень трудонь производительность касфтоманиты.

Комсомолецс Буйнов Николайс сокамста, Бикейкин Михаилс инзамста нормасон пашкодемманц пачфнесазь 150 процентс.

Эряви азомс и саянь, што синь аф калдыаста ладязе агитационнай работать колхозникнень ёткас. Полневи регулярнайста стенной газета, коса передается ударнайста работайхнень опытна.

Ф. Криворотов.

Сире-Синдровань район.

ПАКСЯНЬ СТАНЦА

Морай патефон. Од ломатне кулхондыхть оцю мялеса сонь моронзон эса и мазы мелодиятнень салазане фатнесазь. Фкя ужеть эса шра, коза свежай газетат, журналхт и лия художественнай книгат, конатнень эса эрь илядия, ударнайста работамда меле, лувондыхть колхозникне. Таса сидеста эрайхть международнай положениатнень колга лекцият, разнай темас докладт.

Пара, весела и валда, просторнай кудть эса. Сиземаненьге юкстасак. Сокайхне Романов Николайс, Нормов Григорийс, Афроськин Александрс, Яфановс эрь шиня нормасон пашкоткшнесазь 180 процентс; синь, тяда башка, тя станца касфнесазь культурнай уровеньон.

Вас. Кирдяшкин.

Пурдошанский район, Пашад веле.

Вл. Данакин.

ОБРАЗОВАНДАФ СССР-нь СТАНКОСТРОЕНИЯНЬ НАРОДНАЙ КОМИССАРИАТ

СССР-нь Верховнай Советть Президиумонц Указонц коряс образовандаф Станкостроениянь Общесоюзнай Народнай Комиссариат, конань составе сувафтфт станкостроительнай, инструментальной, абразивнай—завоттне и кузнечно-прессовой машиностроительнай завоттне.

Станкостроениянь Народнай Комиссариатти максевихть предприятия и организации спискань коряс, конань кемокстасы СССР-нь Совнаркомс.

СССР-нь Станкостроениянь Народнай Комиссаркс назначендаф А. И. Ефремов ялгась и освобожденый соя Тяжелай Машиностроениянь Народнай Комиссаронь обязанностьста. (ТАСС).

МОЛИХТЬ ГОСУДАРСТВЕННАЙ ЭКЗАМЕТТНЕ

Майть 30-це шистонза Мордовский пединститутса литературнай факультетса ушедеть государственнай экзаментне. Выпускникнень инголи ащи ответственной и почетнай задача—оправдандаме партиянь, правительствать доверияснон, лисеме пединститутста полноценнай преподавателькс, од поколенияти достойнай воспитателькс.

Васене экзаменць—рузонь литературать коряс. Ровна 9 частса, шовдава, госэкзаменационнай комиссиять председателец Сафаргалиев панжезень экзаментнень. Студентнень лажомшасна экзаментнень васфетезь цебарьста аноклафста.

Вов экзаменационнай комиссиять инголе студенткась-отличница, Маяковский лемса стипендиате Осиповась. Сон ёфси волненияфтома, кемоста верондазь, отвечась «Куприн» и «Лирика Лермонтова» кизефксень лавгс. Основной кизефксень и комиссиянь члетьнень дополнительнай кизефксенон каршес макссь цебарь ответ. Экзаменационнай комиссиясь ташть почетнай отметка—«отлична». Сембе предметнень коряс Осиповась тонафни анычек отличнаста.

Экзаменационнай столть вакса спокойнаста ащи Миронов выпускникс. Сон пединститутса ниле кизоньберьф литературать коряс тонафнесь анычек отличнай отметка мархта. Миронов ялгась пак крхкаста тонафнесне дореволюционной и советский классикнень творчествоснон. Сембе свободнай пингонц максесы синдеест. Особенна сембода оцю интереса тонафнесы Маяковский творчестванц.

Экзаментнень эса «Ранний Маяковский» и лия кизефксень лавгс макссь крхкаста арьсеф ответт. Сон ня ответонзон инкса получаь высшай отметка—«отлична».

Отличнай и цебарь оценкат молучасть выпускникне Михалева, Шапошников, Шумович, Филин ялгатне и лият.

Черашев.

Саранск ш.

Европаса к Африкаса войнась

(5-це июньца военной действиятнень дневниксна)

4-це июньца шить, корхта-ви германский командованиять сводкасонза, германский самолетне бомбардировандазь Уикт аэродромонц, конац ащи Шотландиять восточнай побережьясонза, а стане жа Севернай Шотландияса—фкя завод. 5-це июненъ карша веть ульсть тифт налетт Центральнай и Южнай Англиять военной объектонзон лангс. Сембода пак виинель налетсь Бирмингемть заводонзон и Чатамть портовай сооружениязон лангс. Мольфевестъ стане жа германский вооруженнай вийхненъ операциясна моряса. Корхтати несколько английский торговый пароходонъ вайфтомать колга Атлантический океанть центральнай и севернай палкзонзон эса.

3-це июньца шить, азонд-

сы Рейтер агентствась, английский самолетне бомбардировандазь Гаврт портсонза лама объект и Шербургть маласа аэродром. 4-це июньца ульсть ёрдафт бомбат Зеэбрюггть гавань и Булоньца докнени.

Севернай Африкаса активнай военной действият ашельхть. Золлумть фронтса английский частьне ушеткшнестъ атака, но ульсть тапафт.

Абиссинияса пак ви бойхть ушедеть озератнень районца, Аддис Абебать эзда сядя югширеса. Английский сведения-нень коряс, итальянечне тисть контратакат танкатнень лезксон мархта. Английский войска-тне фатясть лама пленнай.

Сирияса английский самолетне бомбардировандазь и лицендезь пулеметста Дейрутса нефтехранилищатнень. (ТАСС).

Кипрста аватнень и итнень савомасна

Юнайтед Пресс агентствать сообщениянц коряс, английский аватнень и итнень сембода лamosна Кипрста савфть

ни Южнай Африкав. Гражданский населениясь ётафиеви эрма фталу островть потмос. (ТАСС).

ТОНАФНЕМА КИЗОТЬ КОЙ-КОНА ИТОГОНЗА

1940—1941 тонафнема кизоня Мокшень Пашад велень средний школась кемокнесь Пурдошанский средний школат мархта социалистический соревнованиянь договор, коса савондсть обязательстват: сатоме 100 процентнай успеваемость и посещаемость, ладямс образцовайста дисциплина, организовандаме добровольнай организация и кружок.

Васене четверть эзда кафцке школатне кярмотькшнестъ договорть кой-кона пунктонзон пашкодема, ульсть образовандафт ПВХО-нь, ГТО-нь, СВБ-нь, МОПР-нь и лия кружокт. Но ётась аф лама пинге и договорть кафцке школатне юктазь. Аф стак васене четвертьста М. Пашадонь школась сатсь успеваемость 79 процент, а Пурдошанский—84 процент.

Омбоце четверть эзда лоткасть работамда сембе добровольнай организациятне и кружокне, калдяв работать сюнеда Осоавиахимонь члетьне пале кизода лamos ашезь панда членский взноснон. МОПР-нь и СВБ-нь кой-кона члетьне юмафтозь билетснон. Аф оцю показателхть ня школатне сатсь тонафнема кизотъ омбоце палестонзонга: Мокшень Пашадонь школась—80 процент успеваемость, Пурдошанский—87 процент.

Тянди причинаке азондсась сян, што ня школатнень эса аф сатомшкаста ладафоль воспитательнай работась, калдя-

воль преподаваниять качества. Вов, кепотьксонди, Пашадонь школась. Рузонь кяленъ преподавательсь. Постниковсь сатсь 5—6 классень эса 52 процент успеваемость. Тя васендакиге азондови сян мархта, што сон уроконзон кода эрви ашезь аноклакшне, теориять исне сотне практиковать мархта, тонафнема кизоньберьф класса ученикнень кядьста сёрмафтьс анычек 3 диктантт, рузонь кяльть преподаваниянц вятесь мокшекс.

Тяфтама ёмла успеваемость сатсь 4-це «Б» класса Щанкина учительницась; сонь сонценъ аф сатни общеобразовательнай уровень и афи касфнесы сонь.

Химиянь преподаватель Мировонть уроконзон сембода лamosна ётнестъ лия темас корхнемаса. Ламокеть марнек урокне ётнестъ вольнай темань коряс.

Школаса улихть достойнай, добросовестнайста работай учительница. Тяфтамакс лувондовихть геометрия преподавательсь Папшевась, географиянь преподавательсь Глазуновась, сию эсь дисциплинаснон коряс ученикнени максеть прочнай содамашит, пользовадаихть школаса оцю авторитетса.

Папшевась и Глазуновась дисциплинаснон коряс испытаниятнень эса ученикне няфнихть отличнай результатт.

Вас. Кирдяшкин.

Пурдошанский район.

2200 литра лсфца эрь трактъ эзда

Энергичнайста кярмодсть трактнень удойснон касфтомасон инкса Од—Выселка велень «Валда ки» колхозть МТФ-нь работниконза. МТФ-са работась вятеви зоотехнический правилатнень коряс, трактне эрь шиня чистендакшневихть, помещениатне чистайхть, сию

грубай кормода башка анневи-хть концентратта, бардада и тиендеви минеральной подкормка.

МТФ-нь работникне тядде ёрайхть получаь 2200 литра эрь трактъ эзда.

Обшев.

3-Полянскый р-н.

ЛЕРМОНТОВСКИЙ ШИТНЕНДИ


Сашенды ёфси малав русский литературнай эряфть историянц славнай датац—величайшай поэтть М. Ю. Лермонтовонь кулома шистонза савомок 100 кизонь юбилейс.

Вишкста аноклай тя датать отмечандаме Мордовский педагогический институтс. Читалнянь залсонза кочкаф лама материал поэтть эряфонц и литературнай деятельностьнц колга. Тяса можна знакомондамсонь портретонзон, произведениянзон иллюстрациятнень и произведениянзон разнай изданийснон мархта. Тяза кочкафт поэтть колга литературань классикнень высказываниясна.

III и IV курсонь студентнень эзда явоштфт докладчикт—Курзанов, Котлов, Дмитриев, Лизяева, Макарова, Лапаткин и лият, конат кармаихть ётафнема Саранскийса и райотнень эзга Лермонтовонь творчестванц колга докладт.

Черашев.

Саранск ш.



А. С. Пушкинть лемса Саранскийн паркса.

Фотось Ивенинтъ.

Ответ. редакторсь
И. ЧУДАЙКИН.

МОРДОВСКИЙ АССР-нь СНК-ть ВИДЕСА ИСКУССТВАНЬ ТЕФНЕНЬ КОРЯС УПРАВЛЕНИЯСЬ

АЗОНДЫ ПРИЕМ 1941—1942 ТОНАФНЕМА

КИЗОНДИ ЛЕНИНГРАДСКИЙ ТЕАТРАЛЬНАЙ

ИНСТИТУТТЬ ВИДЕСА МОДОВСКИЙ

НАЦИОНАЛЬНАЙ СТУДИЯТИ

Студиясь аноклай Мордовский национальней драматический театрати актерхт. Тонафнема сроксь 5 кизот. Примаф студентне 5 кизонь пингс тонафневихть бесплатна; обеспечивахить стипендияса. 140 цалковай (1-це курсса), 210 цалковай ковти (5-це курсса), макссеви общежития, конань инкса савондеви 15 цалковай ковти. (Основаниясь: СССР-нь СНК-ть 1940 к. октябрь 31 шинц эзда постановлениянц).

ПРИМАМАНЬ ПРАВИЛАТНЕ:

1. Студияв примосевихть аф 7 класста ёмла образования мархта ават и алят 17 кизоста савомок 25 кизос модемс, конат содасазь мордовский кяльть (мокшень или эрзянь) и улихть отличнай или цебарь сценический даннайсна.
2. Студияв сембе поступадаихне ётайхть тяфтама испытаният:

СПЕЦИАЛЬНОСТЕНЬ КОРЯС:

- а) сценический этюд (максф темань коряс);
- б) речь (баснянь, стихонь, прозаический произведениянь художественнай лувом);
- в) слухть и ритмичность проверка.

Общеобразовательнай дисциплинатнень коряс:

- а) мордовский (мокшень или эрзянь) кяльть;
- б) рузонь кяльть (письменнай сочинения, грамматика и литература);
- в) физический географиять;
- г) всеобщай историять (устна);
- д) СССР-ть Конституциянц (устна).

ПРИМЕЧАНИЯ: Ломаттне, конатнени аф кирдевихть специальностень коряс испытаниятне, сядя товодонь испытаниян аф нолявихть.

2. Испытаниятнень ётафтыне Ленинградский театральнай институтонь представительть председателстванц ала комиссия кафта турса (васенчесь августь 5-це шистонза) ушеды, а омбоцесь августь 15-це шистонза) Саранскийса.

3. Ломаттне, конатнень аш аделаф средний образованиясна, испытаниятнень ётнесазь НСШ-нь программать коряс.

4. Приемнай испытаниянц нодави ломаттне сашендыхть Саранскян вызовонь коряс. Иногороднайхнени макссеви общежития.

3. Студияв поступадамать колга заявлениятне максевихть июнь 1-це шистонза савомок августь 1-це шинц самс. Точнай адрес мархта заявлениятне кучсевичь Саранск ошу Советонь Кудти, МАССР-нь СНК-ть видеаса Искусствань тефнень коряс Управлениать начальниконц лемс. Обязательна пучом подлиннай тяфтама документт:

- а) подробнай автобиография;
- б) шачемаценъ колга свидетелства;
- в) государственнай лечебнай учреждениянь удостоверение (справка) сян колга, што поступадаихъ аф сяряди урмаса, конац шорай студияса тонафнемста;
- г) военнай службав отношениянц колга справка (ломаттне, конат ашезь ёта воинский обязанностьснон и конат, существующай законть коряс, ашихть РККА-в призывс, студияв аф примосевихть);
- е) колма фотокарточкат (снимандафтомс головной уборфтома), сядя пара 3×4 см. размерса, кажнайть лангса поступаюшайть собственноручной подписец, конанц заверяндасы государственнай учреждения.
- ж) паспортсь няфиеви лична.

МАССР-нь СНК-ть ВИДЕСА ИСКУССТВАНЬ
ТЕФНЕНЬ КОРЯС УПРАВЛЕНИЯСЬ.

1—2